

宣統新疆圖志







阿盟阿拉善縣本特色圖克三沙伊德和卓阿布都勒拉共十二支析居布哈爾外境天方內連德部本屬爾德必得哈是  
氣哈木巴爾族其舊衍係於西域支庶故大小和卓放於爲亂又與青吉斯汗族屬國鄰舊汗名青吉斯爲第一世以上無考至  
聖祖子阿布都勒拉第二十五世而止以後式微無考惟傳居天山北是德即圖乾之一族屬其汗偶與元  
大軍既敗  
後祖嗣名至順治間吐魯番安伊特汗入其自稱元太祖裔而青吉斯部鳴木巴爾兩族遂沒而一其實非也

### 噶爾丹

諭哈密勿數逆達爾汗伯克額貝都拉擒噶爾丹乳母子丹濟卜  
以獻策妄阿喇布坦數遣使索之且詰哈密內附故額貝都拉語  
曰我誠附

天朝非迫而然也未幾噶爾丹自殺其族子丹濟拉攜噶爾丹骨  
走哈密額貝都拉郭帖伯克護至

### 上嘉其忠誠

詔以額貝都拉爲一等台吉札薩克仍達爾汗號賜勅印及銀幣  
並給紅繡三十七年遣官赴哈密編旗隊設管旗章京參領佐驍  
騎校各員雍正五年

諭札薩克額敏曰額敏自軍興以來輸誠地方效力率所部人等  
屯耕助餉甚屬可嘉著晉封鎮國公七年入朝晉封固山貝子額



敏卽喀貝都拉長子也乾隆元年額敏奏興師來哈密歲納屯糧計二萬七千五百石已支用萬八千餘石今巴里坤兵撤請耕如故

詔來年免納糧給種地回民銀萬兩十九年

諭哈密所屬賽巴達什哩雅處屯田前給回人耕種穀石以四分交官六分給與回人今聞伊等生計甚艱著加恩將所獲穀全行賞給不必交官二十三年額敏長子襲札薩鎮國公玉素普請從大軍効力

詔辦理烏什屯田賜給貝勒品級二十四年

諭曰玉素普雖未與將軍大臣同在軍壘但駐紮烏什辦理諸事極爲奮勉著加恩賞給郡王品級尋詔入覲伯克等四十人以玉素普霍集斯領之三十一年奏哈密生齒日繁請遷戶五百屯田伊犁以次子伊薩克護往允之玉素普尋攜長子伊勒巴喇伊木入朝皆道卒次子伊薩克襲爵四十八年



詔哈密吐魯番回皆世襲罔替五十三年

諭曰哈密吐魯番皆國家世僕其餘各城回人雖經朕平定新疆時歸降但效力幾三十年奮勉急公是以分別施恩賞給王貝勒貝子公台吉等封爵或定世襲罔替或定爲出缺後降等承襲雖係照例辦理但伊等來歸年久共感朕恩各勤職業卽如哈密郡王品級貝勒額爾德錫爾之始祖額貝都拉歸誠以來已歷數世額爾德錫爾之祖玉素卜在軍營勤勞懋著貝子鄂斯璊之父鄂對在軍營奮勉授封貝勒品級因罪削爵後鄂斯璊仍諸事抒誠效力復封貝子色提卜阿拉氏先在軍營奮勉又在阿奇木伯克任內數年留心辦事公伊巴伊喇木一等台吉鄂羅木伯伯二等台吉巴巴阿布勒不爾敦三等台吉阿卜都呢咱爾帕爾薩伊等封爵或因軍前效力授封或因伊祖父功績賞給若照院議於出缺後降等承襲日久遞降殊非朕久遠撫恤回衆之至意今施恩議定降等承襲之額爾德錫爾色提卜阿勒氏鄂斯璊伊巴拉伊



木鄂羅木咱卜巴巴阿布勒不爾敦阿伯都呢伯爾帕爾薩等十人現襲之王貝子公台吉等封爵出缺時不必降等承襲均著世襲罔替以示朕優卹回僕之至意

詔下回衆人等交相欣慶哈密所轄回城五曰素們哈爾輝曰阿思塔拉曰托克齊曰拉伯楚克曰喀刺都伯同治三年八月哈密漢回欲爲變勾結回兵辦事大臣文祥協鎮王德普聞之立誅兵目何榮等外回無所依恃糾纏回終日以搶殺爲事回王伯錫爾爲其下所蒙文大臣使通曉纏語之年老婦人乘間見回王以牘與之伯錫爾率馬隊馳入漢城遂將漢回全行洗蕩不留餘孽哈密獲安伯錫爾旋署幫辦大臣四年哈密漢回復煽惑吐魯番烏魯木齊逆回數千人潛結本地纏頭攻撲漢城辦事大臣札克當阿協鎮王德普通判陳宜禾皆死之五年官軍收復哈密秋回目蘇布爾蓋玉素普潛赴烏魯木齊吐魯番勾結纏頭漢回馬升等糾賊數千由南路進攻哈密護都司張國鼎率民勇五百人安敦



王官兵百名暨巴里坤官兵一千有奇迎至柳樹泉接戰全軍皆  
歿回王福晉暨回目夏斯林皆死焉事聞伯錫爾賜卹有加是年  
六月巴里坤鎮何瑄復取哈密十二年七月陝回白彥虎竄哈密  
焚回王墓擄老福晉以去老福晉者回王伯錫爾之母爲南路纏  
回所信服者白彥虎欲因以脅衆官軍進規南路於庫車奪回送  
歸哈密今嗣王卽伯錫爾之子也初哈密吐魯番回王暨南路阿  
奇木伯克皆轄回民光緒八年改行省設民官裁伯克缺回民歸  
地方官管轄回王勿預惟哈密則仍舊焉

附欽差大臣劉錦棠奏裁南路回疆阿奇木伯克片

再新疆各城內設阿奇木伯克等員其職銜有三四品者現議建  
設郡縣擬設丞倅牧令各等員官階旣非甚崇若回官仍循舊章  
殊有枝大於本之嫌似宜量爲變通以歸妥善郡縣設定後擬將  
回官各缺暨阿奇木伯克等名目概行裁去各廳州縣另行酌設  
頭目額數畧如各省辦公紳士不可以官目之遇有缺額卽行就



地選舉出具切實考語詳由該管道轉請邊疆大員發給委牌惟須照回官向例發給地畝作爲薪資免滋需費侵吞諸弊又南路纏回愚懦者實居其大半彼教中所謂條勒阿渾往往捏造邪說肆其誘脅之術人心易爲搖惑禍亂每由此起纏回語言文字本與滿漢不同遇有訟獄徵收各事件官民隔閡不通阿奇木伯克通事人等得以從中舞弊是非被以文教無由除彼錮習自全疆勘定以來各城分設義塾令回童讀書識字學習漢語其中儘多聰穎可造之資授之以經輒能背誦學習楮書居然端好爲之講解義理亦頗能領會足見秉彝之良無分中外雖不必侈言化民成俗而其效已有可觀此時建設南路郡縣教職等官暫可不設惟宜設法鼓勵使回族爭需於學庶教化可期漸興所有原設各義塾應由各廳州縣延師訓課以小學孝經論語孟子大學中庸詩書易禮春秋教各回童擬每歲令各廳州縣考試一次有能誦習一經熟諳華語者不拘人數多寡卽送該管道衙門覆試詳由



邊疆大員按照保舉武弁之例咨部給予生監頂戴待其年已長大卽准充當頭目如有勤學不倦能多習一經或數經者無論已未充當頭目均准各廳州縣考送由道覆試請獎再行遞換五品以下各項頂戴仍不能逾六品以示限制惟曾任三四五品阿奇木伯克裁缺後仍應准其戴用翎頂充當頭目其各項頂戴頭目人等如果承辦差使異常出力仍隨時酌量保奏懇

恩賞給三四五品頂戴用昭激勸理合會同附片具陳

光緒八年七月

又續陳未盡事宜並籌現辦情形摺

回官三四品阿奇木伊什罕伯克階職較崇臣前慮其權重擾民曾請裁去銜額實欲杜漸防微而相沿已久未可驟加屈抑擬請仍留頂戴畧如各省州縣之待所轄紳士假以禮貌使有別於齊民昔之衆伯克等分理糧役訟獄諸務將來擬分撥爲吏戶禮兵刑工各書與漢書胥雜處互授回漢文言期於相觀而善既可收其把持之權又可藉爲公家之用似屬兩有裨益俟印官履任後



徐爲圖之如能行之有濟屆時另行奏報光緒九年四月二十日  
奏旋准吏部覆開又原奏內稱回官三四品伯克阿奇木伊什罕  
官職較崇請留頂戴等語理藩院查前經覆議今該大臣悉心籌  
畫回民相安妥議覆奏今據奏稱請將三四品伯克裁去銜額仍  
留頂戴並將昔日之衆伯克將來分派爲吏戶禮兵刑工各書等  
語係爲隨時變通期於兩有裨益起見似應准如所請惟查三四  
品阿奇木伊什罕伯克歷來各有專責而衆伯克等亦皆有分任  
相安已久從未議及更章今請裁去銜額僅留頂戴並分撥各書  
等情事關創始固屬於防範之中隱寓安慰之意然一旦驟加增  
改回民能否帖然相安不致別生事端臣等自難遙計至世襲王  
公台吉所兼伯克職任暨吐魯番協理旗務伯克等向有呈進貢  
物及年班等事是否仍照舊制未據聲明應請

旨飭令該大臣再行酌度情形妥議章程詳查具奏臣院以憑核  
辦



吐魯番回部

吐魯番本高昌國宋爲西州回鶻遼爲阿薩蘭回鶻皆回紇之遺種而非天方西來之回也自摩哈麥居喀什噶爾其教盛行於西域暨明吐魯番強大嗣是而回部遂興其俗以事天爲本重殺不食犬豕肉嘗以白布蒙頭故稱白帽回回人自呼白帽曰達斯塔爾別有紅帽回輝和蘭哈拉回諸族然以纏頭爲著順治十年吐魯番蘇勒坦賽伊特汗遣使入貢表稱一千八十三年爲元太祖裔或遂謂摩哈麥爲青吉斯汗與元祖同名故附元裔而改從回教考俱不合

此北疆諸部始於回部皇族以其一千八百十三年爲計之然當時高昌回鶻氏花無國都元併以善後不見於史不知何時遷屬阿都拉汗漢西域諸部則疑回部拉之先本回教其來在焉木

然回部實傳衍於派罕而非盡留種於花門也暨準噶爾丹強脅吐魯番爲己屬策妄阿喇布坦與構怨搆舊城七人走吐魯番尋徙和博克薩里吐魯番遂屬策妄康熙五十九年散秩大臣阿喇納以兵赴闕展魯克沁吐魯番諸城檄諭曰大軍征準噶爾非仇爾也回衆乃



乞降魯克沁者吐魯番大同軍額敏和卓族居處也準噶爾脅徙喀喇沙爾固拒之遣使告內附雍正三年徙闢展魯克沁吐魯番回衆六百五十餘戶安置肅州金塔寺威虜堡諸地其分處魯克沁者十四萬戶準噶爾屢吐襲魯番

上以吐魯番距巴里坤六七百里難以底護乃由留屯塔勒納沁回衆遷至瓜州凡八千一十三口尋定所部頭目功次一等給正千戶二等給副千戶三等正百戶四等副百戶各頒號紙乾隆十九年始遣官赴瓜州編旗隊置管旗章京參領佐領驍騎等員如哈密例大軍征伊犁定邊右副將軍薩喇爾檄吐魯番有伯克莽噶里克集兵七千迎降尋阿睦爾撒納叛竄哈薩克乃徙瓜州回衆歸魯克沁以吐魯番東界闢展至喀喇沙爾令額敏和卓轄自伊拉里克至阿斯塔克令莽噶里克轄莽噶里克復叛應沙雅爾額敏和卓馳赴吐魯番擒斬其從逆宰桑十餘人

詔徙吐魯番兼轄莽噶里克屬戶自是吐魯番始專屬額敏和卓



與哈密爲回部二大部二十三年

授參贊大臣從雅爾哈善剿賊抵庫車賊自堞施礮傷左顙退而誓曰我受

聖恩厚必舍身力戰奏至

頒賜御用佩飾銀千兩霍集占黨兵五千援庫車復大敗之獲其黨二額敏和卓誠爲霍集占黨也大軍抵葉爾羌逆賊抗於喀喇烏蘇額敏和卓等固拒之疊邀

褒獎賜三眼孔雀翎郡王品級紅寶石頂四團龍服蓋至是凡三錫矣二十四年冬晉封郡王是爲吐魯番回部封王之始

命駐葉爾羌辦事與霍集斯鄂對並圖形

紫光閣

御製贊辭額敏和卓圖曰吐魯番族早年歸正命贊軍務以識回性知無不言言無不宜其心匪石不可轉移二十六年陝甘總督楊應琚奏肅州威遠堡安置吐魯番回民計二百五十戶墾地五



千三百六十餘畝戶口日增地畝有限請遣千戶珈如拉歸吐魯番從之秋七月舒赫德奏附闢展之連木齊木有地六千畝闢展英格二邑有地千餘畝請令千戶珈如拉徙舊居魯克沁衆赴連木齊木百戶伊明和卓徙舊居闢展英格二邑歸故地按戶給田九月又奏羅卜諾爾部一爲喀喇庫勒一爲喀喇和卓喀喇庫勒置伯克一約束難周請增一員協理喀喇和卓凡五邑各置伯克不相屬請令二員總理二員協理別設小伯克一居吐魯番理賦役屬戶百八十二每年納哈什領百枝海倫九張悉如議額敏和卓旋入

覲命乾清門行走每晝接輒詢回部情形四十二年卒有子七人長子素賚璫襲以虐所部衆且私宮其屬論罪削郡王爵詔赴京授一等侍衛

命伊斯堪達爾襲札薩克多羅郡王爵四十八年

詔世襲罔替吐魯番廣安城本六城之一爲郡王子孫所居轄回



城四曰魯克沁

按得克沁西去廣安城二十里本廣國都隨其西五十里為戊己校尉治後曰高昌縣今喀喇和卓也去廣安城七十里又西九十里為庫勒前近則交河城今雅爾湖地東去廣安城二十里也

曰色更木曰喀喇和卓曰托克遜道光中再平回部移領隊大臣

駐焉並設巡檢一員

徐清路敏吐魯鄧札丹克所置園子種有一千六百七十五月共種十五牛象院徑四十  
四年從王蘇改改茶廳演理會處頭敘和惠之子色普拉吳薩得請另放阿奇木伯克仍

金以有伯克寬略自伊犁和卓等東回子九百六十餘戶共十一牛象並圖索油糧回子二百餘戶仍歸圖索和卓之子嗣自吐特圖索西爾斯湖木什托克運等處回子七百餘戶共四牛象改歸吐特圖索大臣統轄並經伊犁塔爾巴哈台七千餘戶然查在阿爾楚喀居住人於伊爾斯湖邊開墾下  
同治 年陷於安集延僞怕夏光緒三年三  
合前十一牛象至十五牛象設官管轄

同治

年陷於安集延僞怕夏光緒二年三

月大軍既克達坂城托克遜海古拉白彥虎已於十二日倉皇西

竄先是是月初豫軍分統孫金彪蜀軍統領徐占彪已由巴里坤

穆家溝而進占彪與金彪會師鹽池連克七克騰木闢展連木沁

勝金台魯木沁各城堡十三日急趨吐魯番適湘軍羅長祜譚拔

萃由北而馳至三軍會同立復吐魯番滿漢兩城安集延所立阿

奇木馬人得降於軍前吐魯番漢城本纏回所居滿城爲安集延

所踞海古拉修建偽府莊濶異常軍械軍糧畢萃於此是役降纔

回萬餘獲賊糧數千石子藥三十餘萬斤而肇功實在達坂城托

克遜兩戰賊膽已落故蜀豫之師得以迅進吐魯番兵不血刃而



下也八年改設行省裁吐魯番領隊大臣設同治理回民事盡裁南路諸伯克銜缺改充鄉約回王則移居魯克沁城云

南八城回部

南八城回部同時與額敏和卓玉素卜並興者以霍集斯鄂對稱首霍集斯父阿濟斯和卓爲吐魯番頭目準噶爾裔徙喀喇沙爾復由喀喇沙爾徙烏什因名烏什曰圖爾璊與吐魯番音近也阿濟斯死霍集斯嗣號圖爾璊阿奇木伯克兄阿卜都伯克弟阿卜都里木居阿克蘇乾隆二十年大軍征準噶爾達瓦齊竄踰庫魯克嶺將軍班第檄霍集斯設哨諸嶺隘霍集斯偵達瓦齊將赴喀什噶爾伏兵烏什城外以待遣弟攜酒及馬紿迎屬人薩里衷甲從視達瓦齊至趨控馬達瓦齊將引弓射薩里以刀斷其弦達瓦齊子羅卜札自後趨至刀擊薩里腓者三固控之伏發達瓦齊及子從者七十餘人悉就擒獻之大軍霍集斯自伊犁將入覲適班第遵



旨遣霍集斯偕布拉泥敦往撫葉爾羌諸城布拉泥敦既歸善霍集斯及阿卜都伯克霍集占萌逆謀懼霍集斯宗強析其昆弟子姓居各城以霍集斯爲和闐伯克其長子漢咱帖爾爲烏什伯克以阿卜都伯克爲葉爾羌伯克其子阿布薩爲阿克蘇伯克霍集斯畏威強附之及大軍圍庫車霍集占往援令霍集斯駐阿克蘇以待已復由庫車走阿克蘇閉門不納復走烏什霍集斯請自召烏什衆徙喀喇沙爾甫入城卽以兵拒霍集占懼而逃將軍兆惠至霍集斯乃遣次子呼岱巴爾氏獻書迎謁納戶籍五千口三萬餘請遣從弟額敏都霍什提卜齎書招降其兄阿卜都伯克旋從大軍拒賊喀喇烏蘇二十四年從右副將軍富德解黑水圍上以霍集斯舊轄其地

詔授總管和闐六城伯克霍集斯請遣六城伯克赴喀什噶爾招降布拉泥敦時額敏都霍什卜提私以招降阿卜都伯克故告霍集占霍集占戕阿卜都伯克阿卜都里木等偕布拉泥敦棄城竄



霍集斯從大軍尾擊之敗諸阿爾楚爾城賊遁伊西庫爾淖爾霍集斯偕鄂對執纛呼曰降者生其屬阿里木立木前中賊銃死霍集斯呼愈壯乞降者萬餘霍集占等遁巴克達山霍集斯遣使招降其兩部告素爾坦沙曰若不獻逆當移兵討之巴克達山乃函獻霍集占首以功累封固山貝子

賜雙眼孔雀翎紅寶石頂四圍龍服至是

詔給郡王品級霍集斯請從凱師入

朝二十五年至京

召謁於正大光明殿寶章服飲至豐澤園及將歸

詔宣示烏什訐霍集斯狀霍集斯請留京師慰允之遣其幼子托克托索不回阿克蘇以供祭掃尋與額敏和卓鄂對並圖形

紫光閣霍集斯圖曰奉元帥檄擒達瓦齊後稍觀望旋迎我師同大軍進被圍黑水回族望族居之京邸其三子暨薩里並以功名終云鄂對世居庫車準噶爾裔從伊犁居河北固勒札大軍至鄂



對與和什克色提卜勒氏噶岱默特皆迎降二十三年從雅爾善軍

授散秩大臣兆惠之進兵葉爾羌也遣鄂對偕侍衛鄂布舒齊凌札卜等赴和闐六城抵額里齊伯克等以城獻哈喇哈什玉璫哈什塔克齊爾拉克雅爾諸城聞之相繼降時賊方抗大軍於喀喇烏蘇和闐軍書再不達鄂對偵賊將襲和闐遣使馳告阿克蘇參贊大臣舒赫德集諸路兵分援和闐喀喇烏蘇鄂對妻以馬百匹助軍鄂對復以和闐兵千備羊皮糗糧爲禦賊計賊黨阿卜都克木等往來額里齊喀喇哈什間鄂對檄諸城曰大兵將至可固待兆惠旋遣兵九百來援鄂對迎赴喀喇哈什擊賊於博羅齊敗之諸城皆定

上嘉鄂對固守功封輔國公遣歸阿克蘇鄂對固請從軍同額敏和卓等擊賊阿爾楚克賊敗遁巴克達山

諭嘉其勇晉封固山貝子圖形



紫光閣鄂對圖曰平伊犁時歸順勳王回部傑出其心元良往諭和聞被圍三月共哨布舒全守卓越二十九年烏什回變葉爾羌伯克鄂對妻葉依木隨其子鄂斯璜在庫車聞之五晝夜馳至葉爾羌置酒盡召諸阿渾愛曼責以大義利害復使歌舞回女勸酒盡醉陰遣人赴收其兵器又盡縱其馬驅牧百里外山澤人心始定鄂斯璜自引回兵赴烏什鄂對之功蓋亦其妻之力爲多四十年

諭曰貝勒品級鄂對公品級噶岱默特均於未得回部以前歸誠伊犁且在軍營著有勞績自與恩封者不同均令世襲罔替四十年卒旋以附和葉爾羌辦事侍郎高樸盜玉出售

詔創其子阿斯璜襲爵授爲散秩大臣以發額爾穆私通布拉泥敦逆子事

加恩晉封固山貝子五十三年卒於京師子邁哈默特三承襲色提卜阿勒氏烏什人舊爲拜城伯克準噶爾脅徙伊犁聞達瓦齊



被擒與和什克鄂對噶岱默特等皆迎降二十五年喀什噶爾商伯克邁喇木派蘇巴特伯克呢雅斯等叛掠庫勒塔里木諸汎色提卜阿勒氏自英吉沙爾聞之偕提督楊甯往剿擒斬賊黨授散秩大臣賜二品頂戴二十九年入

朝

封輔國公三十年烏什回賚哈木圖拉糾衆叛

詔歸理軍務尋明瑞奏喀什噶爾葉爾羌阿克蘇諸伯克皆不協物議請以阿克蘇伯克色提卜阿勒氏調和閩喀什噶爾伯克噶岱默特調阿克蘇鄂對令仍任葉爾羌事三十二年

賜雙眼花翎三十五年來朝

命乾清門行走四十五年

授喀什噶爾阿奇木伯克四十三年調葉爾羌阿奇木伯克察知高樸盜采官玉出售並聽鄂對等懇懇附和狀首之辦事大臣永貴疏聞



詔抵罪以色提卜阿勒氏能據實控告晉封貝子品級其子邁默特阿卜都拉授二等台吉並停密爾岱采玉交色提卜阿勒氏管理以絕滋擾五十三年

詔世襲罔替十二月卒長子邁默特阿卜都拉承襲

噶岱默特烏什人初爲拜城阿奇木伯克聞達瓦齊擒來歸二十五年入覲冬葉爾羌伯克鄂對喀什噶爾伯克噶岱默特和闐伯克阿什默特託額敏和卓從通事等虐回衆參贊大臣舒赫德察其誣飭責之二十七年倡議偕伯克輸穀千石貯城邑贍貧戶復助財建屋三百楹有

詔獎賞二十九年以發喀什噶爾伊什幹伯克阿奇都拉伊木私告霍罕伯克額爾德尼逆謀

獎賜幣三十年春烏什回賚哈木圖糾衆叛遣使乞降霍罕揚言諸城悉附逆噶岱默特遣屬赴布魯特諸鄂拓克告烏什外他皆安堵薩爾巴噶長車里克齊乃遣弟海蘭達赴軍噶岱默特索逆



使車里克齊遂擒以獻四十年

詔貝勒品級鄂對烏什公貝子品級噶岱默特均世襲罔替旋卒子阿布都拉瑞承襲

和什克和闐人初爲喀什噶爾伯克大軍定準噶爾遣布拉泥敦歸伊犁和什克拒不納聞我軍至乃降尋避霍集占走布魯特依阿特巴什鄂拓克明伊勒哈布占泰赴布魯特徵兵和什克乃偕明伊勒哈謁兆惠軍兆惠詰進兵道和什克繪圖告曰喀什噶爾西由鄂坡勒達霍罕敏珠爾嶺由玉斯圖阿喇圖什達安集延額德格訥諸部請示檄防賊竄兆惠悉如其言二十五年

詔調葉爾羌阿奇木伯克和什克額色尹等入朝尋並留京師回人額色尹者號額爾克和卓其始派罕帕爾世爲回部長居葉爾羌領其族統稱和卓猶蒙古統稱台吉也策妄阿喇布坦侵葉爾羌脅徙伊犁大軍定準噶爾額色尹等乞降霍集占其族也復脅自伊犁歸葉爾羌額色尹不從避徙布魯特安集延諸部弟帕



爾薩及兒子瑪木特圖爾都從之大軍抵葉爾羌額色尹偕圖爾都及布魯特之呼什齊鄂拓克襲英吉沙爾諸邑布拉泥敦疑與大軍應懼不敢進時喀喇烏蘇圍亦未知爲布魯特何鄂拓克也額色尹遣兒子禡木特謁兆惠軍告之故兆惠傳

旨獎賜幣額色尹等以兵至道遇賊擊之獲一藏獻諸軍門霍集占既竄布魯特兵尙攻布喇村額色尹檄止之曰葉爾羌喀什噶爾已定若復進是抗大軍也布魯特兵乃止旋入覲

上以其爲派罕帕爾裔

詔封額色尹輔國公圖爾都禡木特札薩克一等台吉額色尹奏幸爲天朝臣僕安置惟命

詔留京師帕爾薩亦授三等台吉又一等台吉哈休木元太祖裔二等台吉阿布都爾璜葉爾羌回人均留京合霍集斯和什克凡八爵隸內蒙古旗

按此等回人皆係和什克等八爵之裔其始皆自吐魯番庫車烏什等處入京和圖諸城功業最著



附邊外諸部

新疆識畧所載邊外諸部有瓦罕什克南達瓦羅斯綽禪羅善差  
呀普塔什干渾都斯噶泥窩什安集延瑪爾噶浪霍罕納木干塔  
什干科拉普濟雅克拜爾哈布哈爾黑斯圖濟乾竺特博洛爾拔  
克達山愛烏罕坎達哈爾巴特哈普隆什哈米爾拉虎爾溫都斯  
坦凡三十三國極邊距葉爾羌六十站止乾隆間大軍定回疆大  
小和卓擁殘衆而西謀襲巴克達山巴克達山酋素爾坦沙興兵  
拒戰擒其兄弟將軍徵索之兩首軍門於是葱嶺以西布魯特愛  
烏罕博羅爾安集延諸國皆遣使來庭咸豐元年俄羅斯通商約  
遂於伊犁博羅呼濟爾卡倫邊外阿里瑪圖地方設立商埠三年  
遣兵自倭連步南下直抵阿里瑪圖以西哈薩克境內築立墩臺  
四年於塔爾巴哈台東北額爾齊斯河西岸輝邁拉虎卡倫以外  
之地設立斜米拍拉廷斯克巡撫塔什干之哈薩克與霍罕世讐  
霍罕因哈薩克之受役於俄攻之俄伐霍罕降其衆同治三年又



奪塔什干城四年奪霍占阿里瑪圖設斜米烈厘斯克巡撫擊敗  
布哈爾兵復於塔什干設立土爾齊斯坦總督六年以兵下薩馬  
爾干設立雜拉夫山省與布哈爾定界僅留霍罕一城與其民居  
居民怨之潛通希洼十一年俄發兵問希洼罪定約以阿母河爲  
界復滅霍罕建費爾干省於是葱嶺以西屬國半爲俄有而巴克  
達山魯善什克南瓦罕諸小部則皆服屬於阿富汗爲英屬國英  
之大勢亦駸駸由印度北嚮有與俄爭雄之意矣帕米爾者向亦  
服屬中國俄外部告我使臣許景澄欲會同勘界分疆惟英於帕  
米爾本無分地不使與聞英亦欲劃清阿富汗界使中國收帕米  
爾地以限俄之南下俄外部則擬作三國公共之地英俄皆不以  
爲然商迄未定於是遂有坎巨提之役坎巨提者近喀什噶爾西  
南界在葱嶺西南厥地縱橫數百里戶口約近萬人歲貢中國沙  
金一兩五錢例賞大緞兩端蓋卽新疆識畧之乾竺特距葉爾羌  
十六站一統輿圖之喀楚特同音而異譯也旣又服於英屬之克



什米爾英印度總督歲給坎巨提經費名助防務而實隱收其內政之權旋以兵力脅坎巨提坎巨提頭目連戰不勝遂率其衆逃詣卡外求援英兵修築一路直貫坎境北抵興都哥士大山意在據此山隘以杜俄衆南侵而保印度門戶坎巨提頭目興師阻之復爲英兵擊敗其所居之棍雜城已爲英人占據矣時我出使大臣薛福成詰諸英外部英外部答以無滅坎意語言閃鑠旣乃稱選得舊酋之弟美德拏星可爲坎巨提頭目擬請中國派員會行封立總理衙門電告新疆撫巡派員前往至光緒 年七月二十五日其事始定云又乾隆間建設駐防分移達什達瓦衆於伊犁是爲額魯特上旗又有自哈薩克布魯特中投回伊犁者是爲額魯特下旗又土爾扈特投誠時自額濟勒攜來之準噶爾額魯特及喇嘛之沙畢爾亦附入下五旗同游牧伊犁南境按今額魯特爲伊犁四愛曼之一應列旗防但係綽羅斯種族與來歸之舊土爾扈特和碩特同沙畢爾亦蒙古故附藩部之後云又察哈爾旗



亦四愛曼之一乾隆間平定新疆移察哈爾人戶游牧伊犁塔爾巴哈台察哈爾爲元部衆明史所謂插魯也林丹汗暴虐

太宗文皇帝削平之收其衆令游牧大同宣化邊外編爲八種統歸察哈爾都統治之伊犁察哈爾牧地在東北境北一帶設卡倫卡倫卽哈薩克屬伊犁將軍轄塔爾巴哈台察哈爾與額魯特哈薩克同游牧牧地東與霍博克薩里土爾扈特接界西北卡倫皆與哈薩克接界屬參贊大臣轄案察哈爾應入旗防但舊本藩部故亦附入焉



新疆圖志卷十八

藩部三

特穆圖泊考

由北道赴回疆赴霍罕者皆以特穆圖淖爾爲孔道而又唐以來邊徼建牙之地也按唐書出安西鼠二千里渡雪海北行鼠千里得碎葉川唐時安西都護治龜茲今庫車雪海在今冰嶺中當卽特穆圖淖爾辨機西域記云自凌山行四百餘里至大清池

原駐名熱海又名鹹

周千餘里東西長南北狹四面負山衆流交湊色帶青黑味兼

鹹苦洪濤泊潏魚龍雜處靈怪間起或云四百里或云西鼠千里

者唐書於荒徼得自傳聞辨機則身歷耳考之沙鉢羅陁利失可

汗分國爲五部左五咄陸部居碎葉東右五弩失畢部居碎葉西

號十姓自此始以碎葉爲宗會永淳初阿史那車薄噉反圍弓月

城王方翼次伊麗河斬首千級俄三姓咽類兵至

西唐得屬海東有三道屬諸明唐促其忽等國得屬海即特

方翼次熱河分道襲之始築碎葉城以備四鎮武后時突騎



施別種烏質勒攻取碎葉爲大牙弓月城伊麗水爲小牙開元中吐火仙居碎葉引黑姓爾微特勒保怛羅城蓋嘉運攻吐火仙擒之自漢至隋匈奴突厥建庭皆直朔方暨唐平沙漠回紇突厥始漸移而西至高宗平定賀魯兵威極盛於瀚海設燕然都護以制北方於龜茲設安西都護以制西域又置月氏太汗等十六都督府奇沙和默等八十餘州幾收葱嶺南北大漠東西盡入版圖惜當時徒事羈縻未謀生殖不旋踵而復入回鶻遺患至今此固經營西域者爲中國留一大缺憾也蓋漢時西踰葱嶺經大宛以抵康居爲正道陳湯傳自溫宿入赤谷過烏孫涉康居界至聞池西

知池即特  
宛國故城

爲間道晉法顯魏宋雲皆由和闐而赴印度不必西遶凌山

耶律文正邱長春劉郁自北來而赴霍罕又不必南踰葱嶺惟唐元奘由焉耆龜茲姑墨度石磧至凌山過大清池至素葉水城徧歷康石諸國而入天竺復由竭盤陀國東下葱嶺經和闐而歸不獨訪求佛法觀其對戒日王之語蓋欲週行西域以揚大唐威武



耳元郭寶玉下得思干城進兵亦由此始 國史剛多濟傳云阿睦爾撒納詭稱葉爾羌喀什噶爾諸回衆將襲伊犁請勿遣剛多爾濟歸令護視特穆圖淖爾降衆車布登札布傳云乾隆二十四年夏由塔爾巴哈台赴特穆圖淖爾協剿霍集占是乃古今行軍之要道爲南北兩路之咽喉往時伊犁赴回疆換防亦出此也

自泰西三行軍一城王事圖記也明曰保楚一城又二日麥爾河由浮橋泊於西岸按察圖即林河今亦有浮橋受降二十五年布特於王代依瑪斯以電浮橋功受七品封是也後換防即由此

同治三年中

俄塔城記約遂舉西北數千里之地棄之俄人與愛琿條約之盡分興安嶺同一大錯今彼於其處阿里瑪圖設七河巡撫成爲重鎮創修鐵路不五日可達彼都北有斜米南有費干而我疆事危矣嗚呼惜哉

### 珠勒都斯考

伊犁赴南疆有三道一出阿克蘇一出喀什噶爾一出喀喇沙爾則開都河其要衝也按開都河有三源一源曰大珠勒都斯河直庫車城北之汗騰格山東北百餘里有地曰阿喇爾湧泉百餘會



以東流土爾扈特卓里圖汗之牧地也一源曰小珠勒都斯河出  
阿勒坦陰克遜之皆和碩特之牧地也二水至哈爾瑪圖既合復  
分二枝各行三百餘里而復合始名開都河一源曰和屯博克達  
水東南流經喀喇沙爾西南五里東流爲博斯騰淖爾卽水經注  
所謂敦薨之水二源俱導者也考唐書突厥傳永徽五年前軍蘇  
定方擊賀魯別帳鼠尾施於鷹婆川回鶻傳鷹婆川在焉耆西北  
水道記意卽開都河唐置鷹婆川都督府於此蓋以其地南接龜  
茲西通伊犁與安西都護所轄之十六都督府四十八羈縻州遙  
相聯絡誠要地也準噶爾時有沙拉斯瑪呼斯者準部二十四鄂  
拓克之一也居喀喇沙爾之海杜河西乾隆丁丑春將軍成衮札  
布參贊舒赫德由朱勒都斯進伊犁道遇克特勒烏魯特沙喇斯  
瑪虎斯等皆撫降其衆大軍過而復叛都統滿福中伏死又和碩  
特台吉子諾爾布敦多克游牧額琳哈畢爾噶盤阿於逆諾爾斯  
哈濟拜牲不勝借薩拉爾間道行由珠勒都斯至巴里坤又貢格



敦丹傳阿爾睦撒納叛定西將軍策楞引大軍赴伊犁貢格敦丹  
由珠勒都斯間道至審是則珠勒都斯爲天山南北相通之要道  
蓋是時大軍駐巴里坤阻於烏魯木齊故由西北兩路進則會於  
博羅塔拉由南路進則經珠勒都斯以偏師剪其羽翼也西陲記  
略載雍正中使臣至準噶爾行程記云自察罕鄂博圖往小裕勒  
都斯九十里自小裕勒都斯往大裕勒都斯八十里途路平坦水  
草豐茂兩裕勒都斯冬夏皆宜惟季春猶雪飛襲無時遇風卽結  
成慘自此路分兩歧取其捷者自大裕勒都斯六十里住鄂博庫  
爾山口又五十里過鄂博庫爾嶺取其坦者自大裕勒都斯向西  
南行過烏納達罕嶺又自伊拉里克一百四十里住阿拉突峪口  
路途寬闊有碎石阿拉突峪內河水清澈樹木成林伯行人在兩  
邊崖坎上行走駝馬甚苦初十日仍在峪內六十里住過河七  
八次樹木稠密徑道險窄十一日仍在峪內七十里住倚山口有  
土城已壞城內鑿山爲石磴道云云按新疆識略由伊犁東南經



那喇特達巴罕朱勒都斯山察罕通格山而至喀喇沙爾城可馬  
行無軍台喀喇沙爾輿圖云西北至那喇特達巴罕四百八十里  
交伊犁界識略云惠遠城至那喇特六百餘里而水道記所記由  
惠遠城經喀什河岸之都爾伯勒津回莊空格斯河岸之烏圖嶺  
又踰烏努古特嶺昌曼而至納喇特嶺又三十里至大裕勒都斯  
河則一千二十里與識畧異蓋程途紆直不同耳計由烏魯木齊  
自托克遜至喀喇沙爾一千五百餘里由伊犁踰納喇嶺至開都  
河踰河卽喀喇沙爾則僅一千一百餘里程途較捷東可由吐魯  
番而達哈密北可由大小裕勒都斯合流之哈爾沙圖卽哈爾瑪  
圖而達鞏甯水道距鞏甯城東南河拉勞山阿拉勞山右徑路通伊犁水遠距河爾沙圖百九十里手樹實爾河  
又五十里至哈爾瑪圖又百五十里至薩爾哈勒勒又百五十里至烏爾布拉克又六十里至連湖木圖又七十里至烏爾圖又三十  
里出口至察爾斯台行程距出阿拉勞山之路

惟中經那喇特嶺察罕通格山不能通車  
若於山內開通陝隘於開都河增設渡船酌設一營置卡以衛商  
旅安台以通軍報西可避出凌山東可免紆戈壁將來必成孔道  
南北有事亦易應援如庫舍圖嶺之廿四盤道果子溝之四十八



橋施功雖艱爲利甚遠是亦爲伊犁疆計者所當措注者爾

### 博羅塔拉考

博羅塔拉在伊犁城北三百餘里察哈爾牧地而準昔部策妄阿喇布坦建牙之所也初準噶爾之妻阿努有女弟曰阿海兄之策妄阿喇布坦將以爲妻噶爾丹奪取之策妄忽徙博羅塔拉康熙五十四年祁里德奏我兵進剿策妄有兩路一由布拉罕順額米爾河尋伊犁河過阿勒坦厄默勒嶺一由博克達額林哈畢爾噶進闌厄奇嶺兩路俱至額米爾河

額米爾河出於新疆山南流經於博羅塔拉

於博羅塔

拉會合乾隆二十年大兵進征伊犁定北將軍由烏里雅蘇台出

北路定西將軍永常由巴里坤出西路實會於此新疆識畧賽里

木淖爾在惠遠城東北二百餘里塔拉奇嶺之北四圍皆山其北

山後有地名波羅塔拉水草豐茂土地平曠西域水道記博羅塔

拉河自達爾木圖小卡倫以西鄂拓克賽里卡倫以東長二百餘

里夾河葱翠短草長林襟帶沃衍牛羊散布蓋其地川平山奧屯



牧俱宜且居伊犁北面要衝故策妄阿拉布坦阿睦爾撒納皆於此分庭焉大軍既定伊犁阿逆叛逸哈薩克適喀爾喀郡王青衮咱卜之變自十六台至二十九台皆撤於是輝特汗綽羅斯汗先後皆叛阿逆亦自哈薩克歸大會諸賊於博羅塔拉河欲自立爲汗二十二年命定邊左副將軍成衮札布由珠勒都斯進兆惠爲伊犁將軍由額林哈畢爾噶進羅卜藏多爾濟偵阿逆由博羅塔拉走阿卜克特偕副都統愛隆阿分道馳擊抵塔爾巴哈台阿逆遂走俄羅斯按額琳哈畢爾噶在伊犁東北四百餘里列在祀典西域水道記博克達山尊如元首額林哈畢爾噶如旁肋據告祭所在定爲哈屯博克達西百里之山通漢克傳云大軍進勦準噶爾時策忘居博羅塔拉以額林哈畢爾噶爲要隘又和碩特諾爾布敦多克游牧額林哈畢爾噶間道由珠勒都斯至巴里坤是額林哈畢爾噶爲博羅塔拉之前隘識畧塔勒奇山在惠遠城東九十里嶺隘如關谷中林木茂密俗呼果子溝嶺下出泉漚爲大河



經流谷中乾隆二十年北路大軍進勦由波羅塔拉越此山之嶺卽祁里德所奏之闔厄奇嶺也是塔拉奇爲博羅塔拉之後隘綜核諸書形勢甚明今時由烏魯木齊赴伊犁者自鄂勒著伊圖博木台南行沿賽里木淖爾行五十里陟松樹頭達巴罕入山溝行三十里至鄂博勒奇爾台四十里至塔拉奇滿台始漸出山皆由山內行出淖爾之南若由精河赴博羅塔拉則由山外行出淖爾之北然亦仍踰塔拉奇嶺由三台而進伊犁乾隆二十七年辦事大臣阿桂奏言今秋添設額林哈畢爾罕路軍台自精河博羅布爾噶蘇雪大難行厄魯特人由塔勒奇巴達罕賽里木淖爾森木什克等地方運送前來山路正平秋雪較少有噶爾丹策凌時舊橋可以行走乃改由塔勒奇至托里安設六台塔勒奇尤東西南北四路之交衝俄人前於果子溝置戍兵今將軍長庚亦欲駐軍博羅塔拉蓋爲此爾

### 俄羅斯源流考



俄羅斯居西北之極邊至漢而始肇至唐而再興至明而大盛如  
丁零堅昆大月氏高車骨利幹諸國皆今俄羅斯吞併開拓之區  
而非其立國開基之地也綜覽諸說有謂爲烏洛侯者艾儒略識  
方外紀漢北國有烏洛侯四裔考因之且言侯乃俟之形訛斯則  
俟之音轉改中國字形以附外國之言俞正燮譏之是矣案魏書  
地豆干在室韋西千餘里烏洛侯在地豆干之北去代都當四千  
五百餘里今俄羅斯去代都當二萬餘里身齋雜記謂以里到方  
位攷之無可疑者何也又謂靈徵志魏之先居幽都也鑿石於烏  
洛侯國西北遣中書侍郎李徹告祭斬樺木立之以置牲醴而還  
所立樺木生長成林民益神奉與異域錄紀俄物產松樺爲多相  
合然今西域樺木遍生是處葱青彌望不獨靈鍾烏拉豈皆地證  
渾羅艾圖之有烏洛侯者西人譯書往往依託中史地名時代以  
張大其外邦耳此不足證者一也有謂爲烏孫者吳兆騷謂邏娑  
一名老羗烏孫種也何秋濤遂引大月氏由祁連敦煌遷媯水土



爾冠特由雅爾徙額濟勒河接元王碑玉堂嘉話斷俄羅斯爲古  
烏孫然考遼史會同元年尙有烏孫來賀唐時祿利哥已自立國  
何爲冒稱烏孫若謂深目碧瞳虬髯相似歐洲人物大抵作如是  
觀秋濤又謂蓋遠徙數傳之後音轉爲幹羅思阿羅斯以漢字書  
之不復知有烏孫漢西域傳有烏菟烏音一加烏孫之烏正與俄  
鄂相近然孫音豈與羅斯相近耶又言烏孫介乎匈奴西域之間  
兼有北方游牧西域商賈之俗俄羅斯介乎蒙古歐羅巴之間亦  
兼商牧與烏孫同然俄實居國而非行國秦夏各國自通印竹茹  
幣亦孰非遍地行商耶此不足證者二也有謂爲吐番者四洲志  
載羅斯舊國卽古時額利意大里之北邊地所謂西底阿上番也  
繆祐孫俄游策編遂謂吐番卽禿髮後改爲罕勃野細審俄音稽  
其國曰嚕西牙稱其人曰嚕斯格嚕斯格三字合音急呼卽嚕哱  
吳熊光所譯嚕哱卽俄羅斯禮部則例亦有嚕哱皆就其本國語  
音譯之適合嚕西牙與禿髮嚕斯格與罕勃野音亦相諧然遍考



中外諸書無稱俄爲哈西牙者罕勃野略斯格亦實非音對邊野族類大概稱番如西藏青海松潘暨歐洲西北各種見前皆然何獨西底阿土番定爲樊尼遺種耶又謂按後漢書西羌氏族無定或以父名母姓爲種號與俄先代察罕路襲無諱相同夷狄命名大抵多係其父祖之顯名以爲名如土爾扈特之阿奇玉準噶爾之噶爾丹策凌哈薩克之黑宰和暨歐洲之拿破崙第三路易第十四威廉第一亦莫不然豈皆盡爲羌種乎此不足證者三也有謂爲羅刹者

欽定方略羅刹者俄羅斯國人也鄂羅斯僻處西北絕域其人率皆獠野冥頑有居界上者與黑龍江相近我達呼爾索倫人因呼爲羅刹黑龍江界上當卽雅爾薩人泥布楚人泥布楚本布拉特烏梁海部落崇德間始併歸俄俄羅斯至唐而已著豈得以尼布楚之羅刹人概之况羅刹本索倫人所稱亦非俄人之自稱耶若謂同顛林圖之羅沙按顛林稱在賀蘭東北賀蘭卽荷蘭去尼布



楚幾二萬里若謂同唐書流鬼傳之夜又國按夜又國在流鬼北  
近北海卽令俄哥德疇部去荷蘭之羅沙亦幾二萬里豈得與俄  
羅斯混爲一耶俞正燮附會佛書謂俄羅斯卽阿修羅尤荒誕粵  
海關監督奏有喀呷國商人喀呷卽羅刹對音粵音譯西亦殊不  
確此不足證者四也有謂爲怛羅斯黠戛斯者考唐書西域傳碎  
葉城四百里至千泉西羸百里至怛羅斯城石國傳高仙芝斬石  
國王王子走大食乞兵攻怛羅斯城破仙芝軍又吐火仙居碎葉  
引爾微勒保怛羅斯城皆今右哈薩克地近年始分屬俄其非俄  
羅斯舊國甚明黠戛斯則直回紇牙帳三千里依貪漫山得仙娥  
水今猶爲半蒙半俄之地唐武宗時阿熱來朝冊爲宗英雄武誠  
明可汗遼時猶稱爲北方大國是時祿利格已興其非俄羅斯舊  
國亦甚明金時不復著見或曰元初吉里吉思卽其裔或曰西徙  
爲幹羅思亦月氏遷媯之臆論備乘旣確指俄爲烏孫又謂艾國  
之葛勒斯卽一統志所引之黠戛斯是亦自相矛盾耳此不足證



者五也有謂爲役古者謝清高海錄曰役古國在布路牙呂宋佛郎西後伊宣各國之北疆域極大本回回種類人西洋人謂之仍岐喇多猶華人言大國也唯稱中華及役古爲然魏源謂卽都魯機國役卽都魯二字之雙聲疆域大而率回教是其明證葉圭綬則謂非俄羅斯不足以當之考南北都魯機全盛時東取波斯西滅拂菻實中亞第一雄國西域聞見錄之控噶爾卽都魯機俄羅斯進呈書籍內有平定空谷爾方略土實俄之勁敵楚軍定葉爾羌獲乳目國數人詢之爲都魯機人資送回國乳目乃役古之對音而葉謂役古卽莫斯科之轉莫斯科卽俄羅斯之轉莫斯科又何讀耶又謂俄羅斯雖祆教然本回鶻故地故云然俄羅斯興於唐而滅於元謂爲蒙古故地猶可謂爲回鶻故地豈三皮提里普爾斯科曾亦留花門耶此不足證者六也有謂爲大食者龍沙紀畧曰俄羅斯古大食國歷今一千七百一十一年元太祖與其弟分收地其



弟滅俄羅斯卽以封之考大食興於唐初有黑衣白衣兩種吞併諸國東西萬里勝兵四十餘萬東與突騎施相接北與黠戛斯相鄰昭武九姓亦爲臣屬卽今南戡數部皆在其囊括之中然尙未能據裏海爲中原也暨俄羅斯興凡屬賓高附安息條支古國故土蠶食幾空然與大食相鄰之波斯包社俾路芝亞刺伯諸小邦猶皆自立亦尙未能收紛摩爲腹地也蓋方式濟吳兆鵲楊賓之書當俄羅斯尙未大顯居東談西如老羗邏車之類往往筆諸傳聞兀赤事載在元史尙誤以子爲弟况四洲之志未覩又何怪其併亞於歐耶此不足證者七也有謂爲元裔者博明西齋偶得明興而元入沙漠遭額森之亂旣微而復繁衍鄂羅斯之察罕汗亦是太祖從子之裔考元史太祖征西域收斡羅思阿速欽察諸地封長子兀赤爲汗傳至月祖伯裔孫庫程汗當明宏治有諸落戈部人依番借兵西費耶忒國恢復俄羅斯故疆盡逐蒙古博至三十世汗征服喀山托波爾等處至波利斯王而中衰逮二十三世



汗遷居彼得羅堡遞傳察罕哈屯諸名汗國勢日張般般可考傳  
明未見總記備考諸書故蹟蹟耳且以宗教論蒙古崇黃教俄羅斯  
斯則崇希臘教以字體論蒙古名特托忒俄羅斯則名諾拉提以  
氏族論據俄游榮編言譯其國一千有五十四年之圖俄爲思拉  
完族而元後則博爾濟吉特族無一同者卽土爾扈特之留居額  
濟勒河者爲元臣翁罕族亦非太子兀赤裔果何據而稱爲元裔  
耶此不足證者八也然則俄羅斯祖國於古何徵曰其仍徵之漢  
之奄蔡乎考漢書奄蔡國踰康居大宛境北臨大澤無涯東漢朝  
改名阿蘭聊門作阿三國魏志注西戎一名阿蘭北魏時爲匈奴所  
滅改名粟特西域傳粟特在康居西北去代一萬六千里杜佑通  
典粟弋後魏通焉一名粟特在安息六十里附庸小國四百餘城  
案蘭羅對音不言聊者聊爲尾聲或言那者那音阿那其枝之那  
蘭那卽羅字合音也譯其國六十二年暨一千有五十四年之圖  
其在波羅的海之南者有烏拉西族烏拉西當卽阿蘭西西亦尾



聲而又轉爲斯西北夷音凡部名國名水名如點憂斯魯謨斯綽  
羅斯之類以斯爲尾聲者極多亦如烏孫之昆彌靡之糜而如戰  
方外紀之莫哥斯末亞沒簡斯末亞異域錄之斯科俄游蒙編之  
斯克慈克則音遞轉而尾又增也自粟特後不見於史然歷數百  
年而唐之祿利格元之幹羅思明之諾落戈譯之仍皆阿蘭之對  
音蓋以漢字書番語其不能脗合者十之八九利瑪竇南懷仁諸  
圖及總紀備考全志各書又泰西人學漢文者所撰其於亞洲滿  
蒙回準語言文字亦不能通俄事爲古今北徼所關謠譯言人人  
殊以故地號國名其異尤甚然苟卽方隅里至以覈其實對音合  
音雖有輕重緩急長短之不同而上下數千年間要亦不大相遠  
也今考其地則北臨大澤當與寬田志思相值計其里則去代安  
息當與彼得羅堡相符窮其世次雖亦遞有沿革而祿利格依番  
伯多羅汗迢遞相承是俄羅斯祖國之爲東漢奄蔡更名之阿蘭  
斷無疑義夫俄以一濱海大封聲名文物不通上國歷來北徼匈



奴突厥回紇契丹諸大國本皆視等附庸卽今歐羅巴英圭黎法  
蘭西諸邦始亦如春秋鄙秦擯不與盟迺忽勃焉而興滅國數十  
百城拓地二萬餘里幾有席卷六合囊括四海之心決決乎北海  
大風哉雖然天道無親華戎有截不能自克其將辱於乾谿

按俄羅斯考本無涉藩部然哈薩克布魯特皆歸俄屬帕米爾  
安集延事又與俄相首尾故亦附於卷末

新疆南北邊隘形勢考

沿敖罕之葱嶺以東迄阿勒台山分界後皆緊鄰俄境俄於額爾

齊斯河以輪船遡流而上可直達阿勒台山前額爾齊斯河北流其下流即若米瑞撫駐紮之地再七里餘即抵

山後與俄之托穆爾接壤山之西南賽里山之陽曰霍博克舒克德什

薩里爲土爾扈特布延圖親王牧地在塔爾巴哈台東南八百里見西域圖志霍博克薩里之東

南則布倫托海也布倫托海居噶勒札爾巴什淖爾之側一作色爾巴淖爾一作色爾

特比斯淖爾方略載乾隆二十三年討平回疆時正月朔一日在烏薩古橋地見特巴圖知奇薩勒比斯淖爾相連之博洛托海有哈爾克爾之得木齊什札卜等處其水多爲紅綠住守云云博洛托海當卽布倫托海也

星寺海見西烏隴古河卽元時環流其南可耕可牧東行十二台間烏隴



古河青吉斯河布爾干河察罕河各大水兩岸豐茂再東則至科不多之沙子蓋台倚烏蘭達巴罕大嶺爲險爲烏科兩城西南門戶而霍博克薩里南去迪化州僅三百里中隔大戈壁此沙漠東西五百里南北三百里可限敵騎然若越此長驅直抵古城可斷烏魯木齊之後路陰平陳倉之計不可不虞上年曾設布倫托海辦事大臣蓋亦爲此耳

該處連山俄倫吉木乃河幾東達古城南至托素河通無險可恃云

自育爾雅爾齋桑阿勒克圖恩爾兩巨泊分

歸俄界霍博克薩里又改隸阿勒台山大臣塔城益孤懸一隅喘

息虎側西距葦塘子僅三十里

俄界

東則珠爾庫珠山與俄倫濟

木奈相鄰布昆岡山口去俄察罕鄂博卡不遠東北則瑪呢圖噶土勒干插入俄境四面楚歌無險可扼其距城百二十里之阿魯沁達爾蘭東北接塔爾巴哈台西南接博羅塔拉爲兩界適中最要之地亦劃歸俄且東通雅瑪圖軍臺可以斷塔城赴庫爾哈喇烏蘇之路則又亟宜設兵者也博羅塔拉爲伊犁之前障塔勒奇



嶺爲伊犁之中權而霍爾果斯河距惠遠僅一百十里越河七里卽俄之薩瑪爾置戍設官爲通商貿易之孔道西南之塔奇勒罕卡倫與俄擊拆相聞山南之特克斯川又與俄犬牙相錯上年俄人欲於阿托克伯克邁喀蓋察該納林廓拉

去舊城六七十里廓爾札式係乾隆九年所設之

第十八里堡爲宗山山東北爲德倫  
黃屯田正東爲德倫子木源距黃屯城一百二十里

改行商路蓋一欲奪木素爾嶺之險

一欲侵特克斯川之腴幸疆臣力阻而止紅城市而北寇入澳門假而西舶來涓涓不塞卽爲江河尺距寸爭勿以其微而忽之也善塔斯巴爾琿兩大嶺普通南疆其險已失而烏什西北畢底爾卡外與俄之阿里瑪圖僅隔一山西南徑布魯特開展有通喀什噶爾之捷徑自喀什噶爾東北巴爾昌卡倫至葉爾羌南奇靈桑珠諸卡倫皆與布魯特界相連而喀什噶爾之喀浪圭烏帕爾英吉沙爾之圖木舒克卡倫皆昔浩罕屢次犯邊之路也喀什噶爾之烏魯克恰提爲中俄通商之孔道塔克敦巴什爲小帕入疆之總路而改子居其中舊爲辦事大臣十二卡倫之一領以待衛今



則守以士卒此又喀什噶爾通帕米爾之要區也山川險易恒因  
時勢爲轉移全疆隘要雖不盡此而亦無多滲漏爰係諸篇末以  
備籌邊者之一助云



新疆圖志卷十九

藩部四

土爾扈特牧界表

南	路北	路東	路西	路
---	----	----	----	---

舊土爾扈特南路汗	舊土爾扈特和碩布	舊土爾扈特札薩克	舊土爾扈特札薩克	
----------	----------	----------	----------	--

札薩克卓哩克圖渥	延岡親王汗策伯克	多羅畢錫時岡郡王	土謝圖多羅貝勒牧	
----------	----------	----------	----------	--

巴錫牧地在喀喇沙	多爾濟牧地在塔爾	巴木巴爾牧地在庫	地在伊犁城東當天	
----------	----------	----------	----------	--

爾城北珠爾都斯開	巴哈台城東當金山	爾哈喇城西南當天	山之北昂河南岸	
----------	----------	----------	---------	--

都河凡三源一源曰	之西南霍博克薩里	山之北濟爾噶朗西	東至精河屯田乾隆	
----------	----------	----------	----------	--

小珠爾都斯河會六	西域釋地賽里山在	域水道記濟爾噶朗	二十七年初置精河	
----------	----------	----------	----------	--

水至喀爾噶圖與大	塔爾巴哈台城東八	河三源發庫爾喀喇	屯田四千五十畝額	
----------	----------	----------	----------	--

珠爾都斯河合一源	百餘里山之陽名霍	烏蘇南山名古爾班	屯三千三百三十畝	
----------	----------	----------	----------	--

曰大珠爾都斯會二	博克薩里無名氏新	恰克圖水北流為濟	南至喀什山陰接伊	
----------	----------	----------	----------	--

水與小珠勒都斯河	疆議略土爾扈特來	爾噶朗河又曰多木	犁園場界西域釋地	
----------	----------	----------	----------	--

合復分二支南支行	降其親王策伯克多	達喀喇烏蘇言於三	喀什山在慶綏城西	
----------	----------	----------	----------	--

三百餘里納六水北	爾濟部落三千餘戶	喀喇烏蘇居中也布	南山之南即伊犁哈	
----------	----------	----------	----------	--

支亦行三百餘里納	安插於捷拉巴哈台	爾哈齊水發源布爾	什河源所出山口地	
----------	----------	----------	----------	--

七水二水復合而東	城東四站賀伯克薩	哈齊莊南西北流入	名登努勒台異域竹	
----------	----------	----------	----------	--

納三水又東為開都	里地方南至迪化州	濟爾噶朗河又西北	枝詞注伊犁東一百	
----------	----------	----------	----------	--

新疆圖志 藩部四



河東流經喀喇沙爾僅三百里中隔沙漠流入哈喇烏蘇河額八十里曰哈什山峯  
城西五里東流爲博東至噶札爾巴什諾布圖河發源濟爾噶巒高峻迴環數百里  
斯騰淖爾按回疆通爾按科布多屬阿爾則金廠西南之額布其上產銀其下多野  
志乾隆三十六年安台烏梁海界按與圖圖嶺自東北折而西賦爲將軍圍場有哈  
置土爾扈特和碩特有赫薩克什伯即此北流入庫爾喀喇烏什回子之城伊犁與  
人萬餘戶住牧於此諸爾異名凡金山東蘇河又三十餘里入圖曰惠遠城至齊齊  
春三月入山居住秋南烏爾右河布爾干於喀喇額西柯淖爾哈爾託海四百八十  
九月出山在喀喇烏河青吉斯河諸水皆東至奎屯河接綏來里又二十里至巴爾  
蘇附近草地支架蒙匯於此泊東即新土縣界奎屯河在庫爾加圖是爲第一圍又  
包居住其牧地東踰爾扈特牧地會典圖哈喇烏蘇城東源出二十里至喀喇果勒  
天山至博爾圖嶺接說北路土爾扈特三額琳喀畢爾噶山爲第二圍又五里至  
烏魯木齊界博爾圖旗在塔爾巴哈台城產金乾隆二十六年烏里雅蘇台爲第三  
嶺亦名博羅圖塔克東東與科布多所屬置金廠其年土爾扈圖又十里至哈普齊  
在開展西南當哈拉新土爾扈特接是也將歸順置東路二旗克布董爲第四圍又  
沙爾東北境其山與西至察漢鄂博接塔千二百二十戶於奎十里至哲庫布董爲  
阿勒突山南北相接爾巴哈台所屬額魯屯河西岸罷兵丁之第五圍又十五里至  
形如鎖鑰西通準部特游牧地洗金者四十七年復阿爾斯朗圖布董爲  
南接回疆天山南路南至戈壁接迪化州設奎屯河北流出山第六圍又五里至哲  
一大關隘也山多積界此戈壁東西廣五疏西流渠一曰樹子里莫多爲第七圍又  
雪博羅岡河發源北百里南北袤三百里窩商戶渠又北流東十里至爾圖根察罕  
繞通裕勒都斯南至西各引一渠東曰河烏蘇爲第八圍又五



扣克納克嶺接庫車  
界山脈自天山正幹  
之額什巴什山分支  
東行六十里至此西  
踰天山接伊犁所屬  
察哈爾游牧界  
北至喀倫接伊犁所  
屬額魯特界

沿子商戶渠西曰民里至阿木爾莫多爲  
戶渠又西北流經軍第九團又六里至阿  
台西爲庫爾哈喇烏爾沙圖察罕烏蘇爲  
蘇河南至南山踰山第十團即底團也其  
接珠爾都斯南路上山陰則屬庫爾喀喇  
爾寇特界西至庫爾烏蘇乾隆三十二年  
喀喇屯田接精河所建雙烈祠祀將軍班  
圖軍台界乾隆二十年第尙書那容安西至  
七年初設庫爾喀喇託霍木圖台接伊犁  
屯田五千四百畝四所屬察哈爾游牧北  
十年額設三千三百至喀喇烏蘇塔拉額  
三十六畝北至戈壁西柯淖爾爲界會典  
圖說淖爾在精河城北庫爾哈喇河會濟  
爾噶朗河敦穆達河合流所瀦卽鹽海子  
也



和碩特牧界表

中路東界南界西界北界

和碩特一等達爾漢額貝都拉	東至烏沙克塔爾在喀喇沙爾	南至開都河回疆通志開都河	西至小珠勒都斯亦作小裕勒	北至察罕通格山在烏沙克塔
牧地乾隆三十	城東二百二十	俗名通天河源	都斯	勒西西南距喀
七年札薩克汗	五里有廢城卽	出北大雪山逕		喇沙爾城一百
泥巴錫	唐地理志張三	喀喇烏蘇西門		城
賜牧齊爾和碩	城也唐置守捉	外五里水勢甚		
特貝勒恭格	於此新贖識略	寬夏有渡船冬		
賜牧珠爾都斯	喀喇沙爾土爾	月梁冰橋以渡		
二十八年渥巴	扈特游牧東亦	回莊多開渠引		
錫亦移珠勒都	至烏沙克是二	以灌田		
斯二部土壤相	部東境相等惟			
接亦一地也	西境和碩特僅			
	至小珠勒都斯			
	土爾扈特則以			
	大珠爾都斯爲			
	界地域較廣遠			
	矣嘉慶間和闐			
	貢玉以車運至			



喀喇沙爾奉  
旨停運棄於道  
旁今存烏沙克  
塔爾臺



土爾扈特和碩特爵號世次表

南

路北

路東

路西

路

南路汗旗札薩克卓北路旗和碩布延圖右旗札薩克多羅畢西路旗札薩克多羅

哩克圖渥巴錫阿玉親王汗渥巴錫族子錫時勒國郡王汗渥濟爾噶朗貝勒汗渥

奇曾孫乾隆三十六策伯克多爾濟曾祖巴錫族弟巴木巴爾巴錫族父默們圖高

年望所部內附昆弟衰札布阿玉奇之子曾祖納札爾瑪穆特祖羅卜藏諾顏書庫

子姓從之入覲也乾隆三十六年從阿玉奇汗從弟也乾隆三十六年

詔仍稱汗莅其衆渥巴錫入覲授今爵封今爵

賜號卓哩克圖賜號布延圖賜畢錫時勒圖號三十九年卒子車梭德授札薩克四十年定

卒子策凌納木札勒授札薩克賞三眼花翎黃馬褂勒克襲四十年定濟品河爲牧地

襲四十年定濟爾牧黃綢定霍博克薩里爾噶朗爲舊土爾扈特東路

爲舊土爾扈特南路爲舊土爾扈特北路命轄右翼旗務

以策凌納木札勒領以策伯多爾濟領之授盟長額爾德尼襲嘉慶七

之賜札薩克盟長印四十八年卒子霍紹齊賜印四十八年卒

十八年卒子霍紹齊奇哩布襲四十八年詔世襲圖替五十七

乾隆五十九年襲瑪合巴薩爾道光二十詔世襲親王爵固特

合巴薩爾道光二十詔世襲親王爵固特年以疾罷子烏巴錫

九年承襲咸豐二年並乾隆五十七年襲同興嘉慶十六年卒無

九年承襲咸豐二年並乾隆五十七年襲同興嘉慶十六年卒無

九年承襲咸豐二年並乾隆五十七年襲同興嘉慶十六年卒無



卒子布彥鄂勒喀吐 賞給三眼花翎黃馬 治十三年病故 子弟巴圖那遜襲道

襲成豐七年略什噶 什乾隆四十八年 爾光緒元年承襲二 光二十六年卒長子

爾福回叛派馬隊八 什乾隆四十八年 爾光緒元年承襲二 頭等台吉喇特那什

百勒平 賞給頭等台吉四十 十四年四月卒子帕 迪襲成豐元年卒爾

賞戴三眼花翎同治 九年襲親王爵五十 勒塔襲二十九年 子鄂弟齊勒襲同治

四年報效軍需銀兩 年入朝留乾清門 賞乾清門行走三十 十三年卒弟散濟賚

賞乾清門行走並 賞三眼花翎並黃馬 年 賞戴三眼花翎巴圖 卒子巴特瑪札勒襲

賞穿黃馬褂八年報 掛黃纓嘉慶十九年 去烏巴錫世次未詳 光緒二十六年六月

效馬一千匹 卒子齊克吉爾憂勒 左旗札薩克固山依 卒無子以同祖兄弟

賞用紫纓銀二萬兩 嘉慶十二年 賞給頭等台吉十九 巴圖博羅之子諾無

十年大婚慶典赴京 年襲親王爵二十一 錫族子奇布騰父葉 博三不勒為副應請

朝觀 年赴熱河朝觀 木沁郡王巴木巴爾 承襲

賞御前行走光緒元 年給三眼花翎黃馬 之弟也乾隆三十六 年襲今爵

年在京病故 賞給三眼花翎黃馬 之弟也乾隆三十六 年襲今爵

賞銀三千兩治喪派 掛道光二十八年卒 年襲今爵

散秩大臣公那洪阿 子車凌拉普丹道光 賜依特格勒號四十 年

行人司少卿豐秀前 二十年 授盟長轄東路右翼 旗務四十八年

往奠嗣子布彥綽克 賞給公爵十九年襲 授盟長轄東路右翼 旗務四十八年

同年未及歲盟長札 親王爵同治元年 詔世襲罔替子瑪爾 鳴沙理襲子察罕布

薩克印務由將軍榮 賞三眼花翎十八年 鳴沙理襲子察罕布

全奏請交伊母福晉 幫助軍台定辦



幹克巴圖護理子布 賞紫綬光緒十三年 彥襲無子以塔爾巴

彥蒙庫襲光緒三十 因病告休子端郭羅 哈台所屬霍博克賽

二年班赴京 書車德同治十一年 里親王幹克濟爾噶

賞戴雙眼花翎三十 賞花翎公府頭等台 勒之第四子普爾普

三年 吉光緒十三年襲親 噶丹爲嗣普爾普噶

賞乾清門行走瑪合 王爵十八年赴京 丹襲有二子長子索

巴薩爾以下據伊犁 賞三眼花翎二十一 特那木多爾濟

檔册瑪合巴薩爾土 年卒子鄂羅莫札普 賞一等台吉光緒三

重紹齊世次未詳 襲右旗公品級札薩 年病故次子常們輝

中旗札薩克巴雅圖 一等台吉親王策伯 出家爲喇嘛索特那

多羅貝勒渥巴錫從 克多爾濟之子恭格 木多爾濟有一子德

子額里根烏巴什父 車凌初 恩沁阿拉什德恩沁

唐阿特祖巴圖伊囉 授公品級一等台吉 阿拉什光緒三年襲

布喇什弟也乾隆三 乾隆五十年 按御製土爾扈特紀

十六年 授札薩克 略封爵門內載土爾

封固出貝子 詔轄其父屬案別錄 冠特世系第十二世

賜號巴雅爾圖 北路右翼札薩克印 多爾濟子羅卜札第

授札薩克尋卒子恭 賜之缺出請 十三世羅卜札子巴

坦襲四十年 旨道光六年病故長 木巴爾札木沁第十

授副盟長 子伊德木車林襲因 四世札木沁子奇布

賜札薩克印四十八 病辭職子車林敏珠 以茲據伊犁檔案德



年

詔世襲因替嘉慶十

六年子巴勒丹拉什

錫道光十年隨同汗

車登多爾濟出征阿

克蘇軍營病故子蒙

庫那遜襲道光十年

旨多羅貝勒世襲因

替同治十三年卒第

三子固爾札普襲同

治十三年十二月卒

長子郭勒喀吐固斯

光緒三年襲十三年

十二月卒長子恭噶

那木札勒光緒十四

年襲二十年十一月

卒三子敏珠爾多濟

年

光緒二十五年襲右

旗札薩克輔國公汗

渥巴錫從子拜濟瑚

父喀木齊克唐阿特

襲道光七年卒子哪 恩沁阿拉什冊報其

特那巴薩爾襲同治 始祖羅卜嘉之次子

十三年卒子里依札 葉木沁原任貝子葉

布襲光緒三十二年 木沁之子克普坦原

卒子棍布札布現年 任貝子羅卜嘉即羅

九歲應請承襲左旗 卜札葉木沁即木札

札薩克一等台吉汗 沁克普坦即奇普坦

渥巴錫族子阿克薩 亦即奇布騰也譯音

哈勒親王奇里布弟 輕重不同耳

也乾隆三十六年

授一等台吉四十年

詔轄左翼旗務

授札薩克

賜印四十四年

授副盟長五十四年

卒子阿咱勒襲十七

年

封輔國公卒子多爾

濟木札爾襲道光二

十年降今爵世襲因

替十一年卒子圖普



弟也乾隆三十六年  
封今爵  
新克西克襲光緒四

詔轄南路右翼旗務  
多爾濟襲光緒七年  
年因案革職子車登

賜札薩克印四十八  
卒子里瑪札布襲光  
緒三十二年卒子普

年  
詔世襲因替滿濟多  
恩楚克車林現年四  
爾濟道光二十四年  
歲應請承襲

承襲光緒五年三月  
卒長子達爾瑪巴勒

光緒七年襲八月卒

弟諾爾博林沁光緒

十年九月襲滿濟多

爾濟以下撤伊犁檔

冊去拜濟瑚世次未

詳



和碩特世次表

中路中旗右旗左旗

札薩克土謝圖多羅 札薩克固山阿穆爾 札薩克一等台吉恭 札薩克一等台吉恭

貝勒恭格多爾濟元 喇費貝子恭格族父 格族弟諾海乾隆三 格族弟巴雅爾瑚乾

孫從土爾扈特汗渥 雅蘭勒額爾克岱青 十六年來歸 隆三十六年來歸

巴錫絮族來歸 鄂克輝特曾孫也乾 授今爵轄右翼旗務 授一等台吉三十八

詔和碩特人自恭格 隆三十六年來歸 賜札薩克印四十八 年卒齊業齊襲四十

以下並 賜阿穆爾喇費號 年 授札薩克印四十八 年卒齊業齊襲四十

授貝子貝勒台吉諸 授札薩克尋雅蘭不 詔世襲因替子巴彥 授札薩克轄左翼旗

爵號 勒請捐妻孥為喇嘛 濟爾噶勒襲卒子棍 務 賜印

封恭格為多羅貝勒 從章嘉呼圖克圖游 奇克札布襲咸豐五 詔世襲因替卒子桑

賜土謝圖號三十七 詔授雅和宮札薩克 年十一月卒無子所 遺之爵蒙 濟車林卒襲子圖噶

年 賜收珠勒都斯三十 爵乾隆四十年 恩給予巴彥濟爾噶 蒙庫襲卒子阿拉什

八年卒子德勒克烏 授盟長轄中路旗務 勒之三子棟噶普安 德勒克咸豐元年襲

巴什襲 四十八年 札勒承襲棟噶普安 因軍功恩 賞花翎光緒十七年

授盟長轄所部衆四 詔世襲因替五十五 札勒襲光緒十四年 賞花翎光緒十七年

十八年 年卒弟鄂齊爾襲五 因病不能當差請將 札薩克台吉之職給 卒

詔世襲因替五十六 年卒弟騰特克襲嘉 賞給巴圖色特奇勒 長子貢噶那木札勒



慶二年卒以絕嗣停  
襲今所部餘札薩克

三

圖霍碩特盟長之印承襲奉

旨著照所請

嘉慶六年卒長子巴

特嗎車林襲嘉慶十

九年卒子哲布爾恩

多爾濟襲道光二十

年卒無子以管理右

旗頭等台吉巴彥濟

爾噶朗之次子多爾

濟那木札勒爲嗣多

爾濟那木札勒襲咸

豐六年軍功

食戴雙眼花翎光緒

七年因患手足麻木

告休請以長子棍布

札布承襲八年奉

旨著照所請子棍布

札布襲光緒二十三

年十月接收巴圖色

特奇勒圖霍碩特盟

長管理中旗札薩克

貝子印務子桑濟襲



卒子伊烏那遜襲卒



回部爵號世次表

南八城回部

哈密回部

吐魯番回部

貝勒品級固山貝子鄂對  
乾隆二十年歸順二十三年

札薩克一等達爾漢額貝  
都拉康熙三十五年奉表  
來歸三十六年

札薩克多羅郡王額敏和  
卓康熙五十九年內附雍  
正十年

授散秩大臣晉內大臣二  
十四年

封一等札薩克仍達爾漢  
號子玉素普乾隆五年降

封札薩克輔國公乾隆二  
十年

賜公品級

襲鎮國公十年

晉鎮國公二十一年

晉封輔國公固山貝子

晉封貝子二十三年

晉封貝子二十三年

賞給貝勒品級圖形紫光

賜貝勒品級二十四年

封貝勒

閣四十三年以罪削爵子

封貝勒

賜郡王品級二十四年

鄂斯滿乾隆三十四年

賜郡王品級圖形紫光閣

晉封郡王圖形紫光閣四

授二等台吉四十三年襲

三十一年卒次子伊薩克

十二年卒子素賚瑪襲乾

貝勒品級尋降散秩大臣

襲初

隆二十一年

四十八年

授二等台吉三十年玉素

賜公品級二十七年

詔世襲固替四十九年

普攜長子伊勒伊木入覲

授一等台吉四十二年襲

封貝子子邁哈默特鄂三

中道皆卒

四十四年以罪削郡王爵

乾隆五十三年襲散秩大

詔以伊薩克襲四十五年

授一等台吉四十五年卒

臣兼襲貝子

卒子額爾德錫爾襲四十

伊斯塔達爾額敏和卓第

郡王品級多羅貝勒霍集

八年

五子四十四年



斯乾隆二十三年歸順

詔封公品級

晉貝子品級尋

封固山貝子貝勒品級二

十四年

晉封多羅貝勒

賞給郡王品級圖形紫光

閣二十五年入覲留居京

師四十六年卒哈第爾雷

斯第四子乾隆四十六年

襲郡王品級多羅貝勒四

十八年

詔出缺後遞降至公爵世

襲因替

貝子品級色替卜阿勒氏

乾隆二十年歸順二十二

年

授四品二十三年

晉三品總管二十五年

授二品散秩大臣廿八年

賜公品級二十九年封輔

詔世襲因替

詔襲札薩克多羅郡王爵  
四十八年

詔世襲因替輔國公茂隆

額敏和卓子二十四年

詔賜公品級二十五年

封輔國公圖散一等台吉

鄂囉木咱卜和卓第三子

乾隆二十一年

授五十二年

詔世襲因替圖散二等台

吉丕爾敦和卓第四子乾

隆三十六年

授五十三年

詔世襲因替



國公四十四年

賜貝子品級五十三年

詔世襲因替尋卒子邁默

特阿卜都拉乾隆五十三年

襲

公品級嗎岱默特乾隆二

十年歸順二十三年

授三品二十四年

賜公品級

詔世襲因替四十年卒子

阿卜都拉靖乾隆四十年

襲四十二年卒子邁瑪第

敏乾隆四十年襲四十八

年卒輔國公額色尹乾隆

二十四年歸順

封輔國公四十八年

詔出缺後降至三等台吉

世襲因替五十三年卒子

喀沙和卓乾隆五十五年

襲輔國公圖爾郡額色尹

從子乾隆二十四年歸順



授札薩克一等台吉二十年

晉封輔國公四十四年卒  
子託克託乾隆四十四年  
襲四十八年

詔遞降至三等台吉世襲  
因替札薩克一等台吉瑪  
木特碩色伊從子乾隆二  
十四年歸順

授四十四年子巴巴乾隆  
四十四年降襲二等台吉  
詔世襲因皆二等台吉四  
十八年

詔世襲因皆  
二等台吉伯爾薩額色尹  
從弟乾隆二十四年歸順  
二十五年

封輔國公留居京師四十  
六年卒子伊巴喇伊木乾  
隆四十六年襲四十八年  
詔世襲因皆阿都木敏嘉



慶十年襲道光八年革去  
輔國公子邁瑪愛里咸豐  
六年襲同治三年署策村  
阿奇木調充哈什拉什明  
伯克光緒九年戍伯克改  
充瑪雜爾明鄉約二十二  
年卒子木沙光緒二十三  
年呈請承襲理藩院具奏  
奉

旨著木沙襲輔國公兼襲  
五品頂戴花翎一等台吉  
哈木休元太祖裔世居吐  
魯番乾隆二十四年歸順  
二十五年

授三十年卒留居京師子  
阿布拉乾隆三十年降襲  
三等台吉四十八年

詔世襲固替二等台吉阿  
卜都爾璜乾隆二十四年  
大軍定葉爾羌獲之以歸  
三十五年



授二等台吉三十六年卒  
子阿卜都呢咱爾乾隆三  
十七年降襲三等台吉四  
十年

詔世襲罔替

三等輕車都尉薩里乾隆  
二十三年歸順二十四年  
授五品二十七年

授三等輕車都尉四十年  
卒子海色木乾隆四十年  
襲四十八年  
詔世襲罔替